

Codex Laureshamensis Teil: Bd. 1, Einleitung, Regesten, Chronik Kap. Nr. 39

Ludouvico rege fratre Lotharii imperatoris, et Karoli, qui ut supra dictum est, in divisione regni orientalem Franciam sortitus est, rebus humanis exempto, successerunt filii eius, Karlomannus uidelicet pater Arnolfi imperatoris, et Karolus postea imperator, atque Ludouuicus. Qui ubi patrem in laureshamensi monasterio tumulavit, paternae statim benignitatis et liberalitatis erga idem monasterium induit affectum. Nam anno dominicae incarnationis DCCC⁰LXX⁰V⁰ Thiothroho abbate defuncto, sub Babone qui eidem succedens prefatum locum VI annis gubernauit, prememorato Werinhero comiti predium suum in Winenheim tradidit, et per ipsum in ius et dominium sancti Nazarii cum hac auctoritate transfudit.